

Universitätsbibliothek Paderborn

**Enarrationes Novae D. Martini Lutheri in Ionam
Prophetam**

Jonas, Justus

Haganoæ

Proiecisti me in profundu[m] cordis maris, & flumina circundederunt me,
omnes eleuationes tuæ & fluctus tui super me transieru[n]t.

urn:nbn:de:hbz:466:1-36521

IN IONAM

vocabulo significet. Secundum enim morientium illorum affectus & sensum loquitur. Hi enim sic affecti sunt, quasi in infernum & abyssum diuine irae descendant & absorbeantur, quanquam nullum certum locum sciant, quo ferantur, aut quo emigrent. Quilibet moriens suum circumfert infernum, quamdiu defudat in his mortis angustijs, et in his irae Dei terroribus. In eum modum Petrus citat Psalm. 15. de Christo. Act. 4. Non derelinques animam meam in inferno, & dicit, Quem Deus suscitauit solutis doloribus mortis: & non obscurus est, quod Petrus ibi per infernum uult dolores mortis & terrores significare, quos Christus in cruce per pessus est, cum animam in manum patris offerret. At sub extremum diem, et post iudicium extremum, aliter habebit cum inferno. Ibi enim certus locus erit infernus, ubi impij cruciabuntur in æterna damnatione & irate nebuntur conclusi. Sed hoc nunc satis est, parum refert etiam si qui de inferno sic sentiant, ut pictores aut alii hactenus poenas inferni depinxerunt. Gruiores enim sunt & erunt, quam quisquam cogitatione ulla assequi aut omnino describere possit.

Proiecisti me in profundū cordis maris, & flumina circundederunt me, omnes elevationes tuae
& fluctus

& fluctus tui super me transierūt.

Hic nunc quasi ordine recenset quibus cogitationibus & affectibus conflictatus sit, antequām clamaret ad Dominum, cum adhuc eius fides luctatur, & penè succumberet. Hic nunc obliuiscitur hominū qui proiecerat eum in mare, & dicit de Deo, Tu proiecisti me (inquit) in profundum. Nam sic etiam in hora temptationis, sentit conscientia, quasi in tota creatura, & hac rerum uniuersitate omnia minima maxima nobis aduersentur, & quasi omnium rerum cōspectus nihil sit Deus, quād ira Dei, adeo ut etiam aridi & cadentis folij sybilum nobis tunc terrori sit, quemadmodum Moses Leuiti. 15. dicit. Hic uero perpende, quād mirabilis Deus sit in operibus iudicij. Nihil est uilius, nihil imbecillius, nihil abiectius quād aridum folium, quod in terra iacēs conculcatur, quod nedum uermiculi, sed & aranula arrodunt: & quod adeo uile est, ut Iob, cum maxime se uult extenuare corā Deo, arido folio se cōparet, quod à uento rapitur. Hoc tamen folio, cum uenerit hora, Deus potest uti instrumento ad incutendum terrorem, armatis copijs, maximis & instructissimis exercitibus, & frangendam ac debilitandā, subito prosternendā omnem humanā potentiam, & omnes omnīū uires adigendos in fugā, perfaciendos reges & tyrānos, qui aliās neq; minis

IN IONAM

Verbi Dei neq; pœnis terreretur, sed tantū induratur. Num ergo egregie animosi sumus, ad minas dei oēs securi et ferrea ceruice sumus, et ad casum ari di folij, cum Deus uult, contremiscimus, et ad illius sybilū quasi horribilem tonitruī fragorem, concidimus, pauidi et dubijs quo confugiamus, qui pau loante non unum cœlum, non unum Deum uidebamur expugnaturi? Quid ergo inflamur miseri, si hoc potest aridum folium, quid fluctus et tempestates maris effecturæ essent, de qbus hic Ionas? Quid extrema dic fieri, cum Christus in maiestate uenturus est in incendio flāmæ cum angelis uirtutis sue?

Sic etiam non dicit tantum, undæ et fluctus maris super me transferunt, sed omnes tuas undas et fluctus tuos induxisti super me: nam sic sensit in conscientia, quasi totum mare cum omni immani illarum undarum et fluctuum seruiret Deo, ad ulciscendum peccatum Ionæ: quasi diceret, miser et tentatus ionas sic pauebam, sic trepidabam, quasi omnia maria, et omnes aquæ in cœlo et terra, in me unū uio lenter inundarent, quasi aliâs nemo usquam esset, qui sic ira Dei premeretur. Qui Deum cum omnibus creaturis aduersarium haberet præter me. Sic esse affectos, qui in maximis illis temptationibus consti tuti sunt, experientia citius discitur quam exprimi sur uerbis: nam hodie sèpe tentatos dicere audi-

miss,

COMMENTARII 55

mus, uidebar toto cœli et terræ pondere premi. Hę nunc sunt ueri pauores, ueræq; angustiæ, quæ post hanc uitam erunt in omnibus impijs. Sic incipit hic in morte impiorum talis pauor et iudicium Dei, et durat in perpetuum. Hęc autem uerba prophetæ, sunt uerbis Psalm. 42. similia, qui etiam dicit, omnes fluctus tuos induxisti super me, et Ionas forsitan hęc uerba hinc est mutuatus.

Et ego cogitabā, abiectus sum
ab oculis tuis, non adiiciam am-
plius ut uideā templū sanctū tuū.

Hic nūc conspectus pœnæ terret et percutit cō-
scientiam, his uerbis indicat Ionas, quām hoc uhe-
menter momorderit, quod pœna uidebatur respon-
dere peccato. Ipse enim fugerat à facie Domini, re-
cusans prædicare in Niniue, hoc est peccatum, hęc
est imobedientia eius. Nunc mirabiliter in corde per-
cussus, sentit se inuitum abiisci à facie Domini in pœ-
nam, quod paulo ante fugit à facie Domini per ino-
bedientiā. Hic haud dubie cor Ionæ in maximo fuit
pauore et angustia, dum similitudinem pœnæ sic
apud se reputat: ecce tu fugisti à facie Domini, cum
audire debebas, nunc satis longè abiectus et repul-
sus moeres à facie domini. Ibi simul acriter remor-
det conscientiam peccatum, et discruciat ac terret.